



## გორის მუნიციპალიტეტის

### საკრებულოს

### განკარგულება № 99

2024 წლის 12 ივლისი

ქალაქი გორი

სახელმწიფო აუდიტის სამსახურის მიერ 2024 წელს დამტკიცებულ მუნიციპალიტეტების მიერ 2020-2022 წლებში „სოფლის მხარდაჭერის პროგრამის“ განხორციელების ეფექტიანობის აუდიტის ანგარიშის თაობაზე

გორის მუნიციპალიტეტის საკრებულოში 2024 წლის 03 ივნისს შემოსულია სახელმწიფო აუდიტის სამსახურის N 002745/18 წერილი, რომლითაც მოთხოვნილია 2024 წელს დამტკიცებულ მუნიციპალიტეტების მიერ 2020-2022 წლებში „სოფლის მხარდაჭერის პროგრამის“ განხორციელების ეფექტიანობის აუდიტის ანგარიშის საკრებულოს სხდომაზე განხილვა.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის პირველი და მე-2 პუნქტის შესაბამისად:

1. დაევალოს გორის მუნიციპალიტეტის მერიას:

ა) შემდგომ მუშაობაში გაითვალისწინოს სახელმწიფო აუდიტის სამსახურის მიერ 2024 წელს დამტკიცებულ მუნიციპალიტეტების მიერ 2020-2022 წლებში „სოფლის მხარდაჭერის პროგრამის“ განხორციელების ეფექტიანობის აუდიტის ანგარიშით მოცემული რეკომენდაციები;

ბ) პროგრამის სათანადო დაგეგმვის, განხორციელებისა და შეფასების უზრუნველყოფისათვის:

ბ.ა) სხვადასხვა დასახლებაში ინფრასტრუქტურის მდგომარეობის შესწავლის საფუძველზე, შეიმუშაოს დეტალური გეგმა, რომელშიც წარმოდგენილი იქნება მუნიციპალიტეტის ყველა დასახლების საჭიროება და მათი დაკმაყოფილების გზები;

ბ.ბ) სოფლის მხარდაჭერის პროგრამა ჩამოაყალიბოს როგორც მუნიციპალური ბიუჯეტის ნაწილი ან ცალკე დოკუმენტი, რომელშიც პროგრამის მახასიათებლები განისაზღვრება კონკრეტული პროექტების/დასახლებების მიხედვით;

ბ.გ) ნათლად, ზუსტად და კონკრეტულად განსაზღვროს პროგრამის მიზნები, რომლებიც თანხვედრაში იქნება ხელისუფლების ცენტრალურ დონეზე განსაზღვრულ პროგრამის მიზნებთან;

ბ.დ) განსაზღვროს პროგრამის მოსალოდნელი შედეგები და მათი შეფასების ინდიკატორები, რომლებიც იქნება კონკრეტული, გაზომვადი და მიღწევადი.

გ) სოფლის მხარდაჭერის პროგრამის მიმდინარეობის პროცესში მოსახლეობის სათანადო ინფორმირებისა და მაღალი ჩართულობისათვის;

გ.ა) უზრუნველყოს პროცესის სათანადოდ ორგანიზება და მერის ბრძანებებში სრულყოფილად ასახოს ინფორმაცია დაფინანსების ოდენობის, შეხვედრის დროის/ადგილისა და სხვა საკითხების შესახებ;

გ.ბ) კარგი პრაქტიკის გათვალისწინებით დანერგოს დამატებითი პროცედურები, რაც ხელს შეუწყობს მოსახლეობის სათანადოდ ინფორმირებას და აქტიურ ჩართულობას პროგრამის დაგეგმვისა და განხორციელების პროცესში. მაქსიმალურად გამოიყენოს ინფორმაციის გავრცელების სხვადასხვა პლატფორმა და რეგულარულად განაახლოს ინფორმაცია ვებგვერდებსა და სოციალურ ქსელებში;

გ.გ) ცენტრალური ხელისუფლების ორგანოებთან ერთად იმსჯელოს არსებულ წესში ცვლილებების შეტანის შესაძლებლობების შესახებ, რათა მიეცეს საშუალება, გამოიყენოს მოსახლეობასთან კომუნიკაციის ალტერნატიული საშუალებები, როგორებიცაა: შეხვედრაზე დისტანციურად დასწრება, კენჭისყრაში მონაწილეობა ელექტრონულად, მოსახლეობის აზრის კვლევა ვებგვერდის ან სოციალური ქსელების საშუალებით და სხვ.

დ) პროგრამის ფარგლებში დაგეგმილი პროექტების დროული დასრულების, სოფლის ინფრასტრუქტურის გაუმჯობესებისა და არსებული ფინანსური რესურსების ეფექტიანი მართვისათვის;

დ.ა) ინსტრუქციით დადგენილ ვადებში განხორციელოს პროექტების მომზადება, შესასრულებელი სამუშაოების/საქონლის შესყიდვა და სოფლის მხარდაჭერის პროგრამის ფარგლებში დაგეგმილი სხვა ღონისძიებები. ამასთანავე, შესყიდვებიდან დარჩენილი ეკონომიები დროულად მიმართოს სხვა ინფრასტრუქტურული პროექტ(ებ)ის დასაფინანსებლად;

დ.ბ) პროგრამის განხორციელების თანამონაწილეობის პრინციპიდან და საჭიროებებიდან გამომდინარე, გაზარდოს მუნიციპალური ბიუჯეტიდან დაფინანსების წილი;

დ.გ) აქტიურად ითანამშრომლოს როგორც ადგილობრივ, ისე უცხოურ/დონორ ორგანიზაციებთან, მოამზადონ პროექტები, წინადადებები და ინიციატივები, რათა ხელი შეუწყონ დამატებითი სახსრების მოზიდვას;

დ.დ) ცენტრალურ ხელისუფლებასთან ერთად იმუშაოს დაფინანსების ოდენობის გადახედვის საკითხთან დაკავშირებით.

2. განკარგულება ამოქმედდეს ხელმოწერისთანავე.

3. განკარგულების გასაჩივრება შესაძლებელია დაინტერესებული მხარის მიერ მისი გაცნობის დღიდან ერთი თვის განმავლობაში, სარჩელის წარდგენის გზით გორის რაიონულ სასამართლოში (მისამართი: ქალაქი გორი; სერგო ჯორბენაძის ქ.№30)

საკრებულოს თავმჯდომარე



დავით რაზმაძე